

9. decembari 2021

Inatsisartut suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Nuummi novembarip 29-ani annertuumik nukissiuuteqarnikkut attaveeruttoqarnera unnukut aqqaninngulersoq aallartippoq, tassungalu tunngatillugu imaattunik apeqquteqarpunga akineqaqqusannik.

Naalackersuisunut apeqqutit:

- 1. Nuummi sarfaarunneq illoqarfiup ilaanni eqqornerlunneqarnerusunut akunnerit 25-t sinnerlugit pivoq, sinnerinilu atasuinnarmik akunnernik 17-inik kingorna sarfaaruttaqattaarnerit qaavatigut ilanngullugit.**

Sila nalaatsornerinnakkut kialaarsimangitsuuppat, taava Nuuk ajunaarnersuaqarfiusutut naatsorsuuneqarluni inissinneqarsimassagaluarpa?

Aappiuppat,

- a. Ajunaarnissamut sillimmatit suut atuutsilersinneqarsimassagaluarpap?**

Naamiippat,

- b. Sooq?**

- 2. Nukissiorfiit ilisimasimavaat piffissaq taamak sivisutigisoq atorlugu motorit dieselitortut aallartinniarneqartussaasut?**

Aappiuppat,

- a. Sooq innuttaasut suliffeqarfiillu aarlerisaarneqanngillat?**
- b. Sooq Nukissiorfiit allatut pilersitsillutik illoqarfiup ilai, Nuussuaq aamma Qinngorput, pilersulersulersinnaasimangilaat?**

Naamiippat,

- c. Suna pissutigalugu Nukissiorfiit tamanna ilisimasimangilaat?**

Motoorit dieselitortut aserfallatsaaliorneqarnissaanut peqqussutit piffissami tassani atuuttut ilanngunneqassapput.

- 3. Sunarpiaq pissutigalugu aatsaat akunnerit 17-it qaangiummata nukissamik pilersuineq aallartikannerneqarsinnaasimava, tassa teknikikkut ajornartorsiutit suut nalaanneqarpat aamma sooq?**
- 4. Sooq akisussaasut, Nukissiorfiit pisortaat ilanngullugu, avammut oqaaseqarnissaminut piumasimangillat, aatsaallu pilersuineq ullut arlallit qaangiuttut aallarteqqinneqareermat avammut oqaaseqarnialerlutik?**

5. Nukissiorfiit namminneq upalungaarsimanermut ilisimatitsisarnissamullu pilersaarutaat suuppat?
- a. Upalungaarsimanermut ilisimatitsisarnissamullu Nukissiorfiit pilersaarutaat, pisup nalaanni atuuttut, ilanngunneqassapput.
6. Sila kialaarsimanngitsuuppat, taava Namminersorlutik Oqartussat nukissamik pilersuinermt akisussaasutut annaasanut akisussaatinneqarsimassagaluarpat. Annaasanut ilaasinnaapput ruujorit imilersuutit, inissarsisitseqqinnerit, aserorneqarsimasut iluarsartuunneri il. il.?

Naamiippat,

- a. Nukissamik pilersorneqarnerup assuarnartumik kipitinneqarnerata kingunerisaanik, Namminersorlutillu Oqartussat akisussaaffigisaani, inuit suliffeqarfiillu annerusumik namminneq iliuuseqarfigisinnaanngisaannittaag, taarsiivigineqarnissaannut kina akisussaava?
7. Nuummi ajunaarnersuaqangajannerata kingunerisaanik, assingusumik pisoqaqqinnginnissaa anguniarlugu, Naalackersuisut suliniutinik sunik aallartitsissamaarpat?

(Inatsisartunut ilaasortaq Vivian Motzfeldt, Siumut)

Tunngavilersuut:

Nuummi nukissiuutit attaveerunnerinut atatillugu paaserusuppara qanorpiag inissisimasoqarnersoq, aamma Nuummi ajunaarnersuaqangajannerata malitsigisaanik Naalackersuisut suliniutinik sunik aallartitsissamaarlutik pilersaaruteqarnerisut ilanngullugit.

Ullumi ilisimavarput nukissiuutit attaveerunnerannut pissutaasoq, Utoqqarmiut Kangerluarsunnguani erngup nukinganik innaallagissiorfimmit kabelit ingitsilersimammata. Suliaralugu nalilersussallugulu sulii amigaatigaarput, motorit dieselitortut atorlugit sarfamik pilersuiniarnermt tunngatillugu qanoq pisoqarsimanersooq, aamma siunissami taamak pisoqaqqinnginnissaa anguniarlugu suut malitsigitinneqarlutillu piareersaataanersut paasissallugit.

Suliffiusut ullut qulit iluanni akissutisinissara kissaatigaara.